

PROJEKTI Uveliko traju radovi u Općoj bolnici "Prim. dr. Abdulah Nakaš"

Novo porodilište do kraja marta

Tristo hiljada maraka za obnovu porodiljnih i operacionih sala, nabavku namještaja...

● Uvest ćemo i nove metode poroda, porod na stočiću, na lopti... rekao je Kravić

U Općoj bolnici "Prim. dr. Abdulah Nakaš" ovih dana uveliko traje obnova porodilišta, a trenutno su u toku građevinski radovi. Primarius Zlatko Kravić, direktor ove zdravstvene ustanove, potvrdio je za "Avaz" da će porodilje do kraja marta, za kada je planirano otvorenje novog porodilišta, imati mnogo bolje uvjete.

Najveća investicija


- Naše porodilište nije ispunjavalo sve normative baš po svim građevinskim uzusima. Zbog toga smo odlučili da rekonstruiramo kompletan odjel, koji je posljednji put obnovljen prije 22 godine. Trenutno se radi građevinski dio. Pored porođajne sale pravimo operacionu. Želimo napraviti jedan blok operacione i porođajne sale tako da se hitni carski rezovi mogu odmah raditi.

Ranije smo porođilju iz porođajne sale prevozili do operacione sale na drugu lokaciju - rekao je Kravić.

Prema njegovim riječima, ta operaciona sala je i najveća investicija. A, osim toga, zamijenit će i sve instalacije, vodo-



KRAVIĆ:
Novac za sanaciju osigurali su iz vlastitih prihoda



Porodilište nije ispunjavalo sve normative: Grade blok operacione i porođajne sale

vodnu, kanalizacionu...

- Glavni cilj nam je da napravimo bolje i sigurnije uvjete za rad porodilišta. Kupili smo i novi namještaj, bit će udobnije i porodiljama i bebama. Naše porodilište bit će moderno po svim uzusima savremene bolnice, što je bilo vrlo važno, jer se ovdje rodi skoro 1.500 beba godišnje, što nas svrstava u porodilišta srednje

Akcija 'Sve za mame i bebe'

Prije početka obnove porodilišta, pokrenuta je i akcija "Sve za mame i bebe", u okviru koje su svi građani mogli donirati novac za obnovu porodilišta.

- Odziv je slab. Ali, radovi još traju pa svako

ko želi, građani ili firme, može se uključiti u akciju. Prilika je ovo da pokazemo osjećaj za zajedništvo, jer je svačiji interes da imamo moderno porodilište, da žene budu sigurne - rekao je Kravić.

kategorije - naglasio je Kravić.

Edukacija babica

Novac za sanaciju osigurali su iz vlastitih prihoda, a za radove i opremanje utrošit će se skoro 300.000 maraka.

- Nakon obnove, uved

ćemo i nove metode poroda, porod na stočiću, na lopti, u bazenu, u kadi... Već smo preduzeli aktivnosti u vezi s edukacijom babica. Porodilje će imati mogućnost izbora na koji će se način porođiti - zaključio je Kravić.

S. MUHIĆ